

Noticianan local

(Pa: R.E. Tromp)

JOHN BOOI SECRETARIO INTERINO DI ARUBA

Andreas Joannes Booi Jr., ja-
ma cariñosamente John, recién-
temente a hanja for di Bestuur-
college di Aruba e nombracion
honorifico di Secretario interino
di e territorio insular di Aruba.

John Booi, un di e hobennan
arubano cu a hanja un gran par-
ti di su educacion na Hulanda,
semper a caracteriza su mes como
un persona activo encuanto que-
hacernaⁿ social. E nombracion
aki lo drenta dia 5 di juni veni-
dero na vigor, ora cu sr. L.C.M.
Kerstens, e actual secretario, lo
bai cu pensioen.

John Booi a nace dia 4 di no-
vember 1932 na Aruba, como jiu
di Andreas Joannes Booi Sr. y
Carmen Fortunata Hieroms. Des-
de 1 december 1961 e ta casa cu
srta. B.G.M. Staring, un hulan-
des for di Arnhem, naci dia 10 di
december 1938.

El a cuminsa bai scol na Do-
minicus College na Oranjestad,
na unda el a obtene e diploma
Mulo-B. Na Radolphus College
na Corsow el a sigi despues 4
año di H.B.S. E ta ademas den
posesion di e diploma di type
den e idiomaan hulandes e in-
gles.

Educacion profesional

Dia 18 di december 1957 John
Booi a obtene e diploma "vakop-
leiding" pa adjunct-commies,
Algemeen y Bijzonder Gedeelte.
Duracion di e educacion aki ta-
bata 4 año. Dia 10 di juni 1959
el a obtene tambe e acto den teo-
ria y practica di Gemeente-Ad-
ministratie I. E estudio aki cu nor-
malmente ta dura 3 año, el a
completa den 1 año di tempo. Y
dia 13 di maart 1963 el a obtene
tambe e acto den teoria y practi-
ca di Gemeente-Administratie II.
Duracion di e estudio aki tabata
4½ año.

Su carrera

E secretario nobo a drenta ser-
vicio di gobierno dia 23 di sep-



John Booi

tember 1953 como Schrijver B
den servicio temporario na e sec-
cion Registratuur.

Na año 1954, mientras cu e
actual Hefe di e seccion mencio-
ná tabata hanja su educacion na
Hulanda, John Booi a keda en-
carga pa dirigí e Archief, duran-
te cual periodo ademas a tuma
lugar un reorganizacion di e Ar-
chief.

Na luna di juli 1955 el a wor-
de traslada pa e Seccion di Al-
gemene Zaken y dia 1 di januari
1956 a sigi su promocion como
Klerk B. Den e periodo aki el a
obtene e diploma "vakopleiding"
pa adjunct-commies. Dia 24 di
januari 1958 el a bai Hulanda
c'un encargo di estudio di Be-
stuurscollege pa especializa su
mes den administracion di go-
bierno (esta, Gemeenteadmini-
stratie I).

Riba 10 di juni 1959 el a ob-
tene e diploma aki y dia 1 di juli
su promocion como adjunct-com-
mies a sigi.

Cumizando dia 28 di juli 1959 el
a obtene for di Bestuurscollege
un encargo nobo pa sigi e "Vak-
opleiding" Gemeenteadministra-
tie II na Arnhem.

Como voluntario na e "Gemeente
Secretarie" di Elst el a hanja tam-
be hopi experiencia encuanto e
relacionnan entre instancianan di
di gobierno y particularnan, ma-

nera por ehemplo entre "ge-
meentebestuur" y industrialnan.

Dia 1 di maart 1963 el a worde
nombra den "pensioengerechtigde
dienst" fiho di gobierno y diez-
dos dia despues, dia 13 di maart,
el a obtene e diploma completo
pa Gemeente-Administratie II.

Dia 8 di juni 1963 el a bolbe
Aruba y entrante 1 di juli 1963
el a cuminsa su trabauan atro-
be y alavez a worde promovi pa
commies. Sr. Booi a worde man-
da pa e seccion Algemene Zaken
cu e fin pa ehecuta encargonan
especial. Tambe el a worde nom-
bra Hefe interino di e seccion
aki, durante verlof di e Hefe.

Bida social

Promer cu el a bai Hulanda
sr. Booi tabata ocupa e siguiente
puestonan: Secretario di Volks-
universiteit miembro directiva
di Filmliga, Secretario di e
Ideeënbuscommissie y miembro
directiva di e Comision di Boxeo.
Na Hulanda e tabata entre otro
organizador di "Oecumenische
Jongerengroep" na Elst y presi-
dente di e grupo político di ora-
dornan.

Actualmente e ta presidente di
e Stichting Aruba Nostra, un So-
ciedad cu ta encarga su mes na
conserva, embellece y propagan-
da e cultura y belleza natural di
Aruba. E datonan relaciona cu
e persona di John Booi a worde
suministra pa e Departamento di
Información di Gobierno.

E MUCHANAN CU A GANA

Recientemente e oficina di pu-
blicitad "PUBLICIDAD EXITO"
a organiza un concurso titula
"PAAS-kleurwedstrijd" pa tur
muchanan di Aruba. E dieznan
cu a pinta mas bunita y cu a bini
na consideracion pa gana un pre-
mio ta:

1 Premio: ERIC BISLICK, Sa-
vaneta 270, 11 año, a gana un
autoped pa cortesia di EL-
MAR.

2 Premio: MAX CROES, Nas-
saustraat 155, 12 año, a gana